

ՀԻԼԸՐԻՆ՝ ՊԱՏԵՀԱՊԱՇՏ ՏԵՄՈՔՐԱԹԸ

Posted on April 20, 2016 by Keghart

keghart.com

Category: [Opinions](#)



✘ Մեր Պարզեւ Դաւիթեան, Թորոնթօ, 20 Ապրիլ 2016

Հռչակաւոր ամերիկացի երգիչ Հերի Պելաֆօնթէն տարիներ առաջ հեռատեսիլէն իր ունեցած հարցազրոյցի մը ընթացքին Նախագահ Պարաք Օպաման կոչած էր «ճերմակ սեւը», զայն նկատելով ճերմակամորթ մարդոց խմբակցութեան (clique) մէկ անդամը: Եւ եթէ ընթերցողը քննէ Պարաք Օպամայի ընտանեկան անցեալն ու անոր քաղաքական **✘** երթն ու մագլցումը դէպի Նախագահական աթոռ, պիտի տեսնէ որ խոհեմ, յամառ ու յարատեւ աշխատանքի կողքին պատեհապաշտութիւնը (opportunism) իր տարբեր երանգներով եւ գոյներով դարձած է Օպամայի յաջողութիւն արձանագրելու յատկութիւններէն մէկը:

Ահա թէ ինչո՞ւ Նախագահ դառնալէ ետք Պարաք Օպաման յուսախաբ ըրաւ միլիոնաւոր այն իտեալապաշտ երիտասարդները, որոնց կը պարտի Նախագահական աթոռին իր բարձրանալը: Կը յուսացուէր իրմէ որ խարաներ, հալածեր եւ պատիժներ տնօրինէր հանդէպ անոնց, որոնք Ամերիկան անվերջ պատերազմներով սնանկացումի եզրին հասցուցին եւ իրենց սուտերով չընթացող աշխարհին ասպարեզ կարդացին:

✘ Մեր Պարզեւ Դաւիթեան, Թորոնթօ, 20 Ապրիլ 2016

Հռչակաւոր ամերիկացի երգիչ Հերի Պելաֆօնթէն տարիներ առաջ հեռատեսիլէն իր ունեցած հարցազրոյցի մը ընթացքին Նախագահ Պարաք Օպաման կոչած էր «ճերմակ սեւը», զայն նկատելով ճերմակամորթ մարդոց խմբակցութեան (clique) մէկ անդամը: Եւ եթէ ընթերցողը քննէ Պարաք Օպամայի ընտանեկան անցեալն ու անոր քաղաքական **✘** երթն ու մագլցումը դէպի Նախագահական աթոռ, պիտի տեսնէ որ խոհեմ, յամառ ու յարատեւ աշխատանքի կողքին պատեհապաշտութիւնը (opportunism) իր տարբեր երանգներով եւ գոյներով դարձած է Օպամայի յաջողութիւն արձանագրելու յատկութիւններէն մէկը:

Ահա թէ ինչո՞ւ Նախագահ դառնալէ ետք Պարաք Օպաման յուսախաբ ըրաւ միլիոնաւոր այն իտեալապաշտ երիտասարդները, որոնց կը պարտի Նախագահական աթոռին իր բարձրանալը: Կը յուսացուէր իրմէ որ խարաներ, հալածեր եւ պատիժներ տնօրինէր հանդէպ անոնց, որոնք Ամերիկան անվերջ պատերազմներով սնանկացումի եզրին հասցուցին եւ իրենց սուտերով չընթացող աշխարհին ասպարեզ կարդացին:

Այժմ Ամերիկայի Նախագահական ընտրութիւններու թեկնածու Հիլըրի Զլինթընն ալ պատեհապաշտութեան ճիւղն վրայ նստած կը փորձէ մտնել Սպիտակ Տունն Ամերիկայի: Ան իր կեղծ եւ լայնաբերան ժպիտով, անվստահելի ու անպարկեշտ անցեալով, եւ վերջէն գտած իր վերածնեալ (born again) ժողովրդասէր ընթացքով, կը փորձէ ի զուր գրաւել սերն ու յարգանքը իտեալապաշտ երիտասարդութեան մը որ հաւաքուած է Պըրնի Սանտըրզի շուրջ, որ իր «Ալ կը բաւէ» պոռթկումով քաղաքական յեղաշրջում կը քարոզէ Ամերիկայի պէս երկրի մը մէջ, ուր Տեմոքրատ կամ Հանրապետական իշխանութիւններու տակ նոյնը կը կատարուի՝ հարուստ վերնախաւին

ծառայելով եւ ժողովուրդին մեծամասնութիւնը անգործ ու աղքատ դարձնելով:

Վերջերս Նիւ Եորքի մէջ տեղի ունեցած Ամերիկա-Իսրայել Հանրային Հարցերու Յանձնախումբին (AIPAC) կողմէ կազմակերպուած միթինկին ընթացքին, Հիլըրի Քլինթընը մրցումի ելաւ միւս բոլոր Հանրապետական թեկնածուներուն հետ՝ ցոյց տալու իր անվերապահ աջակցութիւնը Իսրայելի հանդէպ: Այդ միթինկին անկասկած ներկայ էին ներկայացուցիչները այն բոլոր մեծահարուստ ընկերութիւններուն (որոնց ակերիչ անյագութիւնը (greed) անգործ կը դարձնէ Ամերիկայի ժողովուրդին մեծամասնութիւնը) եւ որոնց առջեւ իր հաւատարմագիրը եկած էր ներկայացնելու նախագահ դառնալու երազով տառապող Հիլըրի Քլինթընը: Հոն չէր հրեայ թեկնածուն՝ Պըրնի Սանտրոզը, որ տարբեր առիթով մը կրկնեց իր մարդասէր, ընկերասէր ու պարկեշտ կեցուածքը, ըսելով որ կարելի չէ արդար ըլլալ՝ շարունակ ըլլալով կողքին Նեթանիահուի ու Իսրայելի եւ անգիտանալ թշուառութիւնը պաղեստինցիին:

Ամերիկայի սեւամորթ եւ լատին փոքրամասնութիւններու շարքերուն մէջ ատենօք գործած Հիլըրին, կարծեք իր նախագահ դառնալու փառասիրութիւնը (ambition) վաղուց կատարած ըլլալու հանգամանքով եւ այդ ուղղութեամբ աշխատանք տարած ըլլալով, յաջողած կ'երեւի իր պատեհապաշտութեան մէջ: Իր շուրջ հաւաքուած Տեմոքրաթներու գործադիր մարմինը կամ հաստատութիւնը (establish-ment) ամէն ձեւով կը փափաքի յաջորդ ընտրութիւններուն տեսնել Հիլըրի Քլինթընը որպէս Տեմոքրաթ կուսակցութեան թեկնածուն:



Անդին, Հանրապետական կուսակցութեան գործադիր մարմինն ալ կը փափաքի չունենալ Տանըլտ Թրափը որպէս Հանրապետական թեկնածու: Պայքարը երկու կողմերուն, Տեմոքրաթ եւ Հանրապետական, իրենց ուզած կամ փափաքած թեկնածուն ունենալու, կրնայ ստեղծել աննախատեսելի վիճակ մը, ուր ճեղքեր կրնան բացուիլ եւ այդ երկու կողմերու ընտրած պաշտօնական թեկնածուներու կողքին կարելի կրնայ դառնալ անկախ (independent) թեկնածուներ Սանտրոզի եւ Թրամփի թեկնածու դառնալու ժողովրդային պահանջքը: Այն ատեն տեսակ մը քաղաքական յեղաշրջում կը պատահի Ամերիկայի նախագահական ընտրապայքարին մէջ եւ իտեալապաշտները, աջ եւ ձախ թեքուող, կը գողնան պաշտօնականութիւնը ընտրապայքարին:

Հիլըրի Քլինթըն պահպանողական/տեմոքրաթը իր պատեհապաշտ անցեալով եւ նախագահ դառնալու իր փառասէր ներկայով կրնայ պատճառ դառնալ, որ Տանըլտ Թրամփի նման վտանգաւոր թեկնածու մը նախագահը դառնայ Ամերիկայի: Այդ պարագային՝ Աստուած օգնէ Ամերիկայի եւ մարդկութեան, եւ Աստուած տայ որ մեր գուշակութիւնը սխալ ըլլայ:

